

☑ TUATUA 'AKAKITE PU'APINGA

## Te au Learning Support Coordinators i roto i te 'āpi'i

Tuatua 'akakite no te au Metua, Aronga 'Ākono  
Tamariki, e te Kopu Tangata

Ka turu te Learning Support Coordinators (LSCs) i te au taura, kia rauka vave te tauturu tano, e te ma'ani kia māmā no te au kōpu tangata, kia mārama, e, i te tomo ki roto i te turu'anga, i roto i te 'āpi'i.

Ka rauka i te au taura Mata'iti 1 ki te 8, i roto i te au 'āpi'i state, e te state-integrated, e te kura, i te tomo ki roto i teta'i LSC, me taeria te mata'iti 2028. Na roto i te tanu'anga i te LSCs ki roto i te au 'āpi'i tatakita'i, no te tamariki tāmou 'āpi'i i roto i te au Mata'iti 1 ki te 8, ka 'ātui i reira teia, i te au tamariki tāmou 'āpi'i, te anoano ma'ata ra i te turu, ki te turu'anga tāmou 'āpi'i mātūtū.



## E 'anga'anga ana te LSCs, ki roto i te tamariki, e to ratou au kōpu tangata.

E pu'āpi'i mātūtū, tei roto i te 'āpi'i o ta'au tamaiti, i te tauturu kia kite vave 'ia te au anoano no te tāmou'anga 'āpi'i, i te 'akatanotano, i te turu, e te 'ātui i te au metua, e te aronga tiaki tamariki, ki te au ta'unga (specialists).

Ka 'anga'anga ratou, ki roto i te au pu'āpi'i, kōpu tangata, e te au turanga tauturu, perā katoa te au pupu turu i te tāmou'anga 'āpi'i, a te Māraurau, i roto i te 'oire.

Ka tauturu te in-school LSC roles 'ōu, i te tamariki tāmou 'āpi'i, i te tomo'anga māmā ki roto i te turu'anga tāmou 'āpi'i mātūtū, tei tau ki to te basileia.

## Te rāvenga e rauka ai te turu

Ka tupu te au tamariki tāmou 'āpi'i katoatoa, i roto i to ratou 'uā'orāi taka'i'anga, māri ra, i teta'i taime, ka manatā pa'a te au metua, e te aronga tiaki tamariki, no runga i te tāmou'anga 'āpi'i, o ta ratou tamaiti. Me te manatā nei koe, ko te komakoma'anga ki te pu'āpi'i o ta'au tamaiti, me kore ra, ki te pu'āpi'i ma'ata, te 'akamata'anga meitaki.

Ka rauka 'ia ratou i te komakoma atu kiā koe, no runga i teta'i 'ua atu manatā, no runga i ta'au tamaiti, e te turu te ka anoano pa'a 'aia, ma te 'ātui katoa iā koe, ki te LSC i roto i te 'āpi'i.

## Teta'i atu 'akakitekite'anga

- › Te Learning Support Coordinators i roto i te au 'āpi'i, [education.govt.nz/lsc](https://education.govt.nz/lsc)
- › Te turu'anga tāmou 'āpi'i, me neke ta'au tamaiti ki te 'āpi'i, [education.govt.nz/parents-and-caregivers/early-learning/learning-support/continuing-learning-support-when-your-child-moves-school](https://education.govt.nz/parents-and-caregivers/early-learning/learning-support/continuing-learning-support-when-your-child-moves-school).
- › Me te manatā nei koe, no runga i te tāmou'anga 'āpi'i o ta'au tamaiti, [education.govt.nz/parents-and-caregivers/early-learning/learning-support/if-you-are-worried-about-your-childs-learning](https://education.govt.nz/parents-and-caregivers/early-learning/learning-support/if-you-are-worried-about-your-childs-learning).
- › Budget 2025 investment for Learning Support, [education.govt.nz/our-work/publications/corporate-documents/budget-2025/learning-support](https://education.govt.nz/our-work/publications/corporate-documents/budget-2025/learning-support).



## Te au Ui'anga, e te au Pa'u'anga

### **Ka 'akape'ea te Learning Support Coordinator (LSC), i te tauturu'anga i tāku tamaiti?**

E ma'ani ana te au LSCs, kia māmā ake, i te au 'āpi'i, i te 'ākara viviki i te au tāmou'anga 'āpi'i anoano'ia. Ka tauturu ratou i te au pu'āpi'i i te parāni'anga i te turu, i te 'anga'anga ki roto i te au ta'unga mei te speech-language therapists, me kore ra, te au psychologists, e te 'akapāpu, kia mārama'ia te anoano o ta'au tamaiti, e kia turu'ia

### **Ka 'anga'anga tika āinei te LSC ki tāku tamaiti, i roto i te pi'a 'āpi'i?**

Ka 'anga'anga pa'a te au LSCs, i roto i te pi'a 'āpi'i, ki te pae i ta'au tamaiti, e tōna pu'āpi'i, e te 'anga'anga tika ki roto i te au tamariki tāmou 'āpi'i, i te 'ākara meitaki, kia mārama, e kia kite i te au turu anoano'ia

### **Ka rauka āinei i te LSC, i te vāito i te au anoano, no te tāmou'anga 'āpi'i, o tāku tamaiti?**

Ka tauturu te au LSCs i te kimi i te au manatā, ma te 'anga'anga ki te pae iā koe, te pu'āpi'i o ta'au tamaiti, e teta'i atu au ta'unga (specialists), i te 'akapāpu, kia tomo ta'au tamaiti ki roto i te au turu'anga tano, i te tuātau tano. Kare ratou e vāito i te tāmou'anga 'āpi'i, me kore ra, i te au turanga e tupu nei. I teta'i taime, ka 'ātui pa'a te LSC i ta'au tamaiti ki te teta'i ta'unga (specialist) ke atu, mei te educational psychologists, me kore ra, te speech-language therapist, inārā, ka rave anake ratou i teia, me 'akatika koe.

### **Ka rauka āinei iāku, i te pati turu tāmou'anga 'āpi'i, no tāku tamaiti?**

'Āe, ka 'akatika'ia te au metua, me kore ra, te aronga tiaki tamariki, i te pati tauturu, me kore ra, i te komakoma atu ki te pu'āpi'i o ta ratou tamaiti, te pu'āpi'i ma'ata, me kore ra, te LSC i roto i te 'āpi'i, no runga i te au manatā. Kare e 'inagaro'ia teta'i vāito'anga tei 'akamana'ia.

Me anoano koe i teta'i atu arataki'anga, no runga i te turu no ta'au tamaiti, ka rauka katoa iā koe, i te 'ārāvei atu i te pupu o te Māraurau o te Pae 'Āpi'i, o te 'oire. Tei runga te au 'akakitekite'anga no te 'ārāvei'anga i te au 'ōpati o te Māraurau, i roto i te vaka [education.govt.nz/our-work/about-us/contact-us/regional-offices](https://www.education.govt.nz/our-work/about-us/contact-us/regional-offices).

### **Ea'a te pu'apinga o te LSC, i roto i te 'āpi'i o tāku tamaiti?**

Na roto i te tamaki'anga vave i te au anoano o te tamariki tāmou 'āpi'i, e 'akapu'apinga i te 'aere'anga 'āpi'i, e te manuia, ma te 'akatopa i te au mea taukore i roto i te turanga 'āpi'i, te turanga 'anga'anga, e te ora'anga tangata.

Kua tato'u'ia te putē-moni no te in-school LSC, kia rauka i te au pu'āpi'i, e te au ta'unga (specialists), i te kite vave i te au anoano, no te turu i te tāmou'anga 'āpi'i, i roto i te ora'anga o te tamaiti.